

Dr Käller im Burgarte-n-unde, fiert Geburtstag, s'isch e runde

Stimmt das, sins schon 40 Jahr, dass dä Chäller duet bestoh

Jo, es sigi wirklich wohr, und dodrüber simmer froh

Denn stell dr vor, wie's ohni wär, me hät das Loch so bliebe lo

Wo nämt me denn die Bühni här, won ich grad jetzt cha druffe sto?

Mäng Samstigobe wär doch fad, mit Bus und Tram, griene und gäle

Farti me halt denn ind Stadt und suechti dört, was do wurd fähle

Zum Glück het aber unsri Gschicht vom Käller im Burgarte-n-unde
gemäsem Bricht vom Heimetbuech e glückligeri Wändig gfunde

Das Gwölb vom Schloss, als Vorratskäller, het me gfunde in dr Ärde

Für Wi zum Ässe ufem Täller, e Theater solls drus wärde

Dr Gmeindrot seit zerst jo denn nei, e kein wurd das doch intressiere

D Lüt bliebte zobe gärn dehei, das miemer gar nit erst probiere

S Volk an dr Gmeini aber bschliesst, die 15000 lömmer stoh

Wenn au e Private Gält ischiesst, chönnti das Projäkt doch cho

Dr Burgarteverein wird gründet, will däm Käller Läbe spände

was schliesslich im ne Atrag mündet und bim Jo vom Volk duet ände

Viel Briefe het me miesse schriebe, viel Härzbluet het me investiert

viel Überzügigsarbet triebe, das het sich tuuusigfach rendiert

Sie hän verfolgt e gmeinsams Ziel und sälber apackt Tag und Nacht

Keine het gseit, es wärem zviel, hän us dam Käller öppis gmacht

Vor 40 Jahr hän vieli Gescht, s'erscht mol in Käller abe gfunde

Hüt Fiere mir das mitme Fest und gniesse kulturelli Stunde

Ob Cabaret ob Musikobe, Bilder, Läsig, Kindergschichte

Vom Gmeindrot soll ich alli loobe und e grosse Dank usrichte

Mélanie Krapp

22. September 2018